

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 101-18.027/17 HH 

Zenica, 24.11.2017. godine

Na osnovu člana 69. stav 2, tačke e., i člana 70. stav 1, 3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-18.025/17 HH od 24.11.2017. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o poništenju postupka za izvođenje radova na asfaltiranju prekopa sa i bez pripremljene podloge na području grada Zenice (ručna ugradnja)

I

Poništava se postupak javne nabavke za izvođenje radova na asfaltiranju prekopa sa i bez pripremljene podloge na području grada Zenice (ručna ugradnja), jer od 3 zaprimljene ponude jedna je neprihvatljiva, dok su cijene ostale 2 prihvatljive ponude znatno veće od osiguranih sredstava za predmetnu nabavku, a što je u skladu sa članom 69. stav 2., tačke e. Zakona o javnim nabavkama.

II

Za realizaciju ove Odluke zadužuje se Komisija za nabavke.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

IV

Ova Odluka će se objaviti na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-14.623/17 HK od 10.10.2017. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma u trajanju 12 mjeseci.

Procijenjena vrijednost javne nabavke bez uračunatog PDV-a je 60.000,00KM.

2. Dana 12.10.2017. godine na Portalu javnih nabavki, istovremeno sa objavljivanjem obavještenja o nabavci broj: 439-7-3-615-3-60/17, objavljena je i tenderska dokumentacija.

Poziv za preuzimanje tenderske dokumentacije broj: 713-14.623-2/17 HK od 12.10.2017. godine upućen je sljedećim ponuđačima:

1. ZEKO-S d.o.o. Zenica,
2. Almy-transport d.o.o. Zenica,
3. Špic beton d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 01.11.2017. godine u 09:04 sati, utvrđeno je da su sljedeći ponuđači preuzeli tendersku dokumentaciju:

1. Ekapija d.o.o.,
2. BBS Europe,
3. Almy-transport d.o.o.,
4. Špic beton d.o.o. Zenica,
5. ZEKO-S d.o.o. Zenica,

6. TB INŽENJERING d.o.o.,
7. Tuzlić inženjering d.o.o.,
8. KOMGRAD-ZE d.o.o..

3. Rok za dostavljanje ponuda je bio 26.10.2017. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenim kovertama, i to:

1. Špic beton d.o.o. Zenica,
2. KOMGRAD –ZE d.o.o. Zenica,
3. Almy-transport d.o.o. Zenica.

Komisija za nabavku imenovana je Odlukom broj:101- 9.366/17 MS od 15.06.2017. godine.

Komisija za nabavku je dana 24.11.2017. godine direktoru preduzeća dostavila Zapisnik o ocjeni ponuda broj: 716-18.026/17 HH od 24.11.2017. godine sa preporukom o poništenju postupka za nabavku roba broj:716-18.025-1/17 HH od 24.11.2017. godine, u postupku javne nabavke za izvođenje radova na asfaltiranju prekopa sa i bez pripremljene podloge na području grada Zenica (ručna ugradnja).

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri).

- da su blagovremeno zaprimljene 3 (tri) ponude i to:

1. ŠPIC BETON d.o.o. Zenica, ponuda u iznosu od 77.000,00KM, bez PDV-a.
2. KOMGRAD-ZE d.o.o. Zenica, ponuda u iznosu od 86.400,00KM, bez PDV-a.
3. Almy-transport d.o.o. Zenica, ponuda u iznosu od 90.680,00KM bez PDV-a.

- da nema neblagovremeno zaprimljenih ponuda.

- ukupno preuzeto tenderske dokumentacije od strane ponuđača sa Portala javnih nabavki 8 (osam).

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriteriju iz tenderske dokumentacije.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Polazeći od gore navedenih konstatacija, a shodno odredbama Zakona i opštim aktima ugovornog organa Komisija je ocijenila da:

Ponuđač Špic beton d.o.o. Zenica je dostavio Potvrdu od VTK BiH o preferencijalnom tretmanu domaćeg, a koju će ugovorni organ, u smislu čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14), uzeti u obzir prilikom ocjene ponuda.

Ponuđač Špic beton d.o.o. Zenica je dostavio ponudu u vrijednosti od 77.000,00KM, bez PDV-a, koja prelazi procijenjenu vrijednost Odluke od 60.000,00KM, bez PDV-a za predmetnu nabavku.

Također, navedeni ponuđač je dostavio izjavu iz tačke 2. c) (Uslovi za učešće i potrebni dokazi) tenderske dokumentacije koja nije ovjerena od nadležnog organa.

Obzirom na naprijed navedeno ponuda navedenog ponuđača se odbija kao formalno pravno nezadovoljavajuća na osnovu člana 68. stav 4. tačka (i) i (j) Zakona o javnim nabavkama.

Ponuđač KOMGRAD-ZE d.o.o. Zenica je dostavio ponudu u vrijednosti od 86.400,00KM, bez PDV-a, koja prelazi procijenjenu vrijednost Odluke od 60.000,00KM bez PDV-a za predmetnu nabavku.

Ponuđač KOMGRAD ZE d.o.o. Zenica je dostavio Potvrdu od VTK BiH o preferencijalnom tretmanu domaćeg, a koju će ugovorni organ, u smislu čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14), uzeti u obzir prilikom ocjene ponuda, nakon provedene e-aukcije.

Ponuđač Almy transport d.o.o. Zenica je dostavio ponudu u vrijednosti od 90.680,00KM, bez PDV-a, koja prelazi procijenjenu vrijednost Odluke od 60.000,00KM, bez PDV-a za predmetnu nabavku.

Ponuđač ALMY-TRANSPORT d.o.o. Zenica je dostavio Potvrdu od VTK BiH o preferencijalnom tretmanu domaćeg, a koju će ugovorni organ, u smislu čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14), uzeti u obzir prilikom ocjene ponuda, nakon provedene e-aukcije.

Ponuđači KOMGRAD-ZE d.o.o. Zenica, Almy-transport d.o.o. Zenica, su dostavili formalno-pravno i tehnički zadovoljavajuće ponude, te je ugovorni organ, shodno odredbi čl. 4. Pravilnika o načinu korištenja e-aukcije navedenim ponuđačima zakazao e-aukciju za dan 03.11.2017.godine,u terminu od 10:00 sati.

E- aukcija je održana u zakazanom terminu.

Učesnici e-aukcije nisu mijenjali iznose svojih ponuda.

Konačne ponude, nakon završetka postupka e-aukcije su:

- KOMGRAD-ZE d.o.o. Zenica, ponuda u iznosu od 86.400,00KM, bez PDV-a, a koja sa uračunatim preferencijalnim faktorom (10%) iznosi 77.760,00KM bez PDV-a.
- Almy-transport d.o.o. Zenica, ponuda u iznosu od 90.680,00KM bez PDV-a, a koja sa uračunatim preferencijalnim faktorom (10%) iznosi 81.612,00KM bez PDV-a.

Ponude ponuđača KOMGRAD-ZE d.o.o. Zenica i ALMY-TRANSPORT d.o.o.Zenica i nakon provedene e- aukcije premašuju procijenjenu vrijednost Odluke za ovu nabavku, a kako je to naprijed i obrazloženo, te se njihove ponude odbijaju na osnovu člana 68. stav 4, tačka (j), Zakona o javnim nabavkama.

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela Odluku o poništenju postupka nabavke radova za Izvođenje radova na asfaltiranju prekopa sa i bez pripremljene podloge na području grada Zenica (ručna ugradnja), jer od 3 zaprimljene ponude 1 je neprihvatljiva, dok su cijene ostale 2 prihvatljive ponude znatno veće od osiguranih sredstava za predmetnu nabavku.

Ugovorni organ je obavezan poništiti postupak u skladu sa članom 69. stav 2., tačke e. Zakona o javnim nabavkama .

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



Direktor:

Pašalić Emir
Pašalić Emir, dipl.ing.grđ.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a